

B. N. C.

FIRENZE

1063

II

1063 . 11







AT
CAROLI
DRELINCVRTII
MEDICI REGII,

*De Partu Octimestri Viuaci,
Diatriba.*



LVGDVNI,

Sumpt. CHRISTOPHORI FOVRMY
viâ Mercatoriâ, sub signo
Bibliothecæ.



M. DC. LXVI.



Beneuolis Philiatris Bibliopola, S.

ANTICIPATAS semel, altiùs-
que inhærentes Opiniones ex ho-
minum animis reuellere, negotium est
molis ut plurimum summè operosæ,
præsertim si Autores, vnde primulùm
profectæ atque haustæ videtur, ἀξιόμοι,
ἰσθίος, omni denique exceptione ma-
jores habeantur. Quod quidem ipsum
tum in aliis permultis intricatioribus
Physiologiæ quæstionibus, tum in hac
ipsa de natis Octimestribus facilè de-
prehenditur, quibus cùm grauissimi an-
tiquæ Medicinæ principes, Hippocra-
tes atque Galenus, Vitalitatem alicubi
abjudicasse credantur, apud posterorū
plerosque rem omnino sic habere, pro
confesso est, adeò ut οὐκ ἔστι tantillum
titubare, penè piaculum audiat. Paucis
tamen

11
tamen cordatioribus , quos benignior
Iuppiter in deliciis habet, longè aliter
visum , qui non modò problematicè in
fœtum Octimestrium Vitalitatem in-
quirere, sed etiam eandem aduersus tot
hostium oppositas copias propugnare
non dubitarunt : Qualis in primis, in-
cunte nostro hoc seculo , Federicus
Bonauentura , Medicus Vrbinas , qui
causam hanc tam fusè peregit , vt fasti-
dium ferè lectoribus incutiat. Cùm ve-
rò ab ignei ingenij Viro, Dom. C A R.
D R E L I N C V R T I O , Med. Regis
Christianiss. materiam istam exiguâ
admodum Diatriba , cæterùm abundè
neruosa, nec inamœnâ comprehensam,
ac in examen denuò vocatam audiuis-
semus, paulóque pòst ejus copiam nacti
essemus, luce publicâ protinus donañ-
dam censuimus , rati hoc ipso facinore
gratiam à Vobis omnibus *χαριστάς*
φιλιάντας , quorum commodis indulgere
adeò volupe est vt nihil suprâ, inituros
esse nos minimè vulgariam. Bellè Va-
lete ac fauete.

IN COMMENDATIONEM
huius Opellæ,
TROCHAICI.

R Ara proles Octimestris, quam nefastam plu-
rimi

Veritati non litantes, atque vita inhospitam
Publicare non verentur, seu vetusti, seu novi:
Cur tibi non gratulemur, huncce nata vindicem
Strenuum, summoque zelo percitum orthodoxia,
Qui DRELINCVRTI celebri notus est
cognomine?

Pauculis hic namque totam rem peregit paginis,
Quam medens Urbini alumnus, scæua cui nomen
bona

Indidit, vix expediuit turgido volumine.

Ergo proles Octimestris, macæ tali vindice,
Qui tuam Vitalitatem luculenter astruit,
Naxiis non tantum in oris, aut plagâ Nilotide,
Quod prius fecere quidam literari nobiles,
Immo ubique, tum solum quæ panditur, tum quæ
salum.

C. S.



QVÆSTIO MEDICA,

*An Partus Octimestris
Vitalis?*

APPROPRITE' Dinius Ambrosius, Omnes animantes, prescripta habent partus tempora, homo solus indiscreta atque confusa. Haud minus facundè lepidèque, suis in monimentis, id ipsum Plinius exaravit, Cateris, inquit, animantibus statum & pariendi & partus gerendi tempus est, homo toto anno & incerto gignitur spatio.

Ambobus testis locupletior alter, Aristotel. quippe [4. de gen. Animal. cap. 4.] ἀνωμάλως τὴς τῆς κινήσεως χρόνους, vñico tribuit homini, τοῖς μὲν ἄλλοις ὅς ἐστιν ὁ χρόνος, τοῖς δὲ ἀνθρώποις, πλείους. Hoc ipsum solidiùs stabiliniit septimo hist. Animal. asserens, τ' ἄλλα ζῶα μοναχῶς ποιεῖσθαι πλεὺς τῶ τέκνῃ πλείω πρ' ὅς γδ ὡραται τῶ τέκνῃ χρόνος πᾶσι, ἀνθρώπων

ὅ πολλοὶ μόνον τῶν ζώων. Idem demum passim inculcat : sed decretoriè magis *Problematum decimo*, hominem sancit μόνον τῶν ζώων, πολλὰς ἔχειν ἁρμόνας τῆς γενέσεως, τοῖς δὲ ἄλλοις εἶναι τὸν ἁρμόνον τῆς πελειώσεως γίγνεσθαι.

Hiscæ Stagiritæ de fonte plenissimè haustis, necellè est ea vsque à capite arcessiere, non à temperamentorum, aut cœli aut ætatis varietate, quæ brutis communia nobiscum, sed ab enormi nostra diætâ, à *vaga* inprimis & *intemperanti libidine generandi*, quæ vt habet Ambrosius, *variâ ætatem pariendi* exhibet. Sexcenti denique casus, mille tædia, mille ærumnæ, ex improviso grauidis incautis ingruentia, infan-tem alio atque alio tempore foràs accersunt. Sola quippe mulier luxuriosè victitat, sola *omni-vola* ac *omnivora*, omnigenûm eduliorum inexsaturabilis gurgis est. Sola imprægnata, Veneris non modò patiens est, sed & appetens ac insatiabilis. At bruta, vt periodicis anniuersariisve amorum incentiuis & igniculis concitantur incendunturque, sic pactis legibus excludunt. Homo autem, nec præfinitò, nec annuatim, sed continenter, insano lasciuia stimu-
latus cestro, αἰεὶ ὀχεύεται, ait Arist. *Probl.* 46. *sect.* 10. Hocque suo concubitu Planetico, nascituræ sibi prolis, aliàs perfectos statòsque fore formationis motus, labefactat atque pervertit. Nullâ itaque iniuriâ Pœnos Medicos inter, Rasis & Auicenna, huic damno quadantenus obuiam ituri, rescriptis suis, grauidam à coïtu
summue

summouebant. Sed petulans libidinis intemperies & effrænata luxuria, nec habenas audit, nec patitur legem. Hinc sagacissimè docet Hippocrates, humanæ fabricæ diuum opus, Solibus variare, ἐν ᾧ ἵπὸ χρόνῳ πάντα διακοσμεῖσθαι, ἀλλὰ τὰ μὲν θάσσον, τὰ δὲ βραδύτερον, ὥς αὖ καὶ τὰ πρὸς ἑκάστῃ πύχει καὶ τῆς τροφῆς. At eo variante, variabit & partus, ex proportionē mira & harmonica trium inter se mutationum ἀξιολόγων, quæ factum manent in utero, *Figuratio*, *Motus* & *Partus*. Tempus quippe ex eodem Hippocrate, [*Epid.* 6. *sect.* 8. *aphor.* 8. & *Epid.* 2. *sect.* 3.] *motionis*, ut duplo *figurationis* tempus æquat, sic terminus *partus*, triplo superat terminum *motus*. Quæ lententia ad Arabes & nos vsque tranauit; si igitur *figurationis* periodus est minimè vna, quidni & multiuagus *motionis* & *parturæ* cursus? Qui diebus triginta figurabitur, in sexaginta mouebitur, & centesimo octogesimo vitalis prodibit. Qui in quadraginta effingetur, in octoginta trepidabit, & intra ducentos decem vitæ compos orietur, Octimestris nomine insigniendus. Hippocraticos namque menses triginta dies explere, liquidò constat, *ex libello* καὶ ἀρχῶν, At octies triginta, numerum. complent ducentorum quadraginta dierum, seu octo mensium Solarium integrè ferè exactorum, iuxta quos partitudinis putanda ratio, ἀθροιστὸν γὰρ καὶ ἥλιου ἀθροιστὸν γενῶν. Octimestres igitur vitâ beandi, supinúsque eorum veterinus excutiendus, qui balantum ritu, [quarum ruente præceps vnâ, cæteræ ruunt]

iuerunt quâ itur , non quâ eundum, tritâmque
 credulitatis ac vecordiae plenam , de Octime-
 strium infortunio semitam , socordi pede calca-
 runt. Li quippe Medicorum, quos primò legere,
 sententiâ inescati , ad ipsorum opinionem erro-
 neis rationibus ceu tempestate compulsi , apud
 eam , tanquam apud Sirenios scopulos conse-
 nescunt , malûntque huic erroris laxo , mordi-
 cûs adhærere, & præconceptam semel adama-
 tam mentem pugnaciter tutari , & ei procaci-
 ter patrocinari , quàm omni peruicaciâ depofi-
 tâ, quæ constanter eueniunt expendere. Sed do-
 ctrinam ij suam , adulterinam licet , sinu fo-
 ueant : dignemur nos , rem minimè præiudica-
 tam excutere, & ad vnius veritatis leges exige-
 re. Nihil moremur aliter opinantium turbam,
 sanabimur enim, ac à veteri falsi dogmatis fer-
 mento repurgabimur , si separemur à cœtu, se-
 lectosque bellipotes , qui nobis inimicos
 gerere vultus fictâ specie cernuntur , partes
 in nostras , vi nullâ pelliciamus. En itaque nec
 vnica ratio , nec autoritas nuda , sed & con-
 stans firmatâque summorum Atlantum expe-
 rientia , pro nobis militabunt ; sicque trinis
 hisce triplicis æris scutis obtekti , aduersus tela
 in nos ab aduersariis contorquenda , inuictissi-
 mi stabimus. Ita mihi vbivbi amica veritas,
 vt nullus amicior vnquam , nolentem volen-
 tem , alienas ad partes aut trahat , aut alliciat.
 Eam vbiuis tueri vt gloriosum , sic inprimis
 vtile : pro eâ igitur , ceu pro aris & focus, athle-
 ticè luctandum , prout Philosophum decet
 alienigenis

alienigenis officiis minimè præuaticantem. Eo olim pacto, in plerisque Hygeæ momentis, aduersus Hippocratem Galenus, aduersus Platonem Præceptorem, vniuersumque veteratoriè philosophantium cætum Aristoteles, & aduersus Medicos Gnidios ipsemet Hippocrates, iisdem nobiscum armis, pro veritate tutanda feliciter conflixerunt. Sed heu heu! quantæ molis erit, multis hinc retroactis seculis, de Octimestrium nece anticipatam opinionem, de tot & tantis pectoribus renellere. Aded hæc supinitas, animos sopiuit, vt plerique omnes, huic causæ indormierint securi, non cauentes, foedissimam hanc esse Medicinæ labem aspersam, inque dies singulos latius serpentem, nullo nunc smectico eluendam, καὶ γὰρ διὰ τὴν ἐπὶ ληΐαν, καὶ ἀν' οὐδὲν τι οὐκ ἔμνηνον, νομίζουσιν ὡς οὐκ ἔμνηνον εἶναι τὸ γαμνημένον, ἀλλὰ λαθεῖν ἐν αὐτῇς οἱ γυναικες συλλαβέσθαι περὶ πρὸν. [Arist. hist. Animal. 7. cap. 4.] Si autem de tanta iudicij anticipatione conquestus est Philosophus, quid nunc Literarum sortem non deslebitus? nam vnà cum seculis ætateque hominum, hæc opinio vsque inueterauit, vt qui eam ex animis euellere satagit, is ceu vesanus Anticyram relegetur. Sed haud inconsulti procelloso huic pelago nosmet commisimus: En actuariam nauem nostram scientes & experientes Argonautæ regunt. Auscultent & perpendant, fidem nobis abrogantes, sagacis Stagiritæ placita, quibus definitè distincteque designat, καὶ ἐπὶ ἄμνηνα καὶ διὰ ἄμνηνα γίνεσθαι, καὶ κατὰ τὴν μετεξὺ χεῖρας, hoc est, nasci

septimo non mox & decimo, sed & octavo & nono. At ne quis scrupulosus vitilitigator autumet, nos nostro commento, ipsum temerè ludificare, ad sequelam orationis sedulus attendat, καὶ γὰρ, addit, τὰ ὀκτάμηννα ἔϋ μὲν, ἤπιον δὲ. Hoc ipsum, tanti naturæ rimatoris verbis ipsissimis suffulciam, καὶ ἐπτάμηννα καὶ ὀκτάμηννα καὶ ἐννεάμηννα γίνονται καὶ δεκάμηννα τὸ πλεῖστον. Subdam & expressiora elicta, quibus Octimestres vitæ compotes sancivit, τὰ δὲ ὀκτάμηννα ὡς μὲν Αἴγυπτον καὶ ἐν εἰσίοις πίποις ὅπου εὐέκφοροι αἱ γυναῖκες καὶ φέρουσιν πολλὰ ῥαδίως καὶ πίπτουσιν, καὶ γεννώμενα δύναται ἔϋν κ' ἀντεπατάσθαι γίνεσθαι. Vbi notes velim, de mente Philosophi, Octimestres vitâ donandos esse vbiuis gentium, si sub conditionibus & causis quæ eosdem in terrâ Ægypto vitales reddunt, nati sunt. At nostris in tractibus cæli benignitate lætis, quotquot ex sint conditiones & causæ, vigent ex omnes εὐαλδίως: vgebunt igitur & Octimestres. Major patet ex his verbis, καὶ ἐν εἰσίοις πίποις, quibus docemur, angustis Ægypti limitibus Octimestrium vitam non circumscribi, quasi inibi locorum, prærogatiuâ nulli cedendâ, iis esset cælitus vita concessa. Ibi etenim viuunt in vim causarum mox prolatarum: At eadem valentissimæ sunt nostris in climatibus, quorum temperatura fertilis, parentumque robur ac temperies proba, succulentusque habitus vegetus, sæcundi energici principij, vi plasticâ turgidi, vbertatem subministrando, communi in vitalitatem nisu conspirant. Cui præter hæc, in medio aut propatulo

An Partus Octimestris Vitalis? 7

patulo non est, nostrates mulieres ευεκόρως
 ὄντας, ad exactos menses vterum commodè per-
 ferre, cùm multas cernere sit, quæ nihil dam-
 nosi in totâ gestatione passæ, fœtus suos auspi-
 catò promant in lucem: αὐταὶ δὲ φέρουσιν πολλὰ
 βραδίως καὶ ἥκιστα, κ' ἂν τερατώδη, plures negotio
 nullo & gestant & excludunt partu vnico,
 monstrificè quasi seu τερατωδῶς: mulier nam-
 que nūquam non μονοτοκεῖ, nec πολυγονῶ,
 ἀλλὰ μονοτόκῳ τὴν φύσιν ὄσιν. Octimestribus au-
 tem vitæ vsuram speciatim impertiri, vbiuis
 terrarum præfatis conditionibus stipati orian-
 tur, fidem faciunt textui prolato annexa ver-
 ba, quibus haud simpliciter dicit Philosophus,
 ἐν ταῦθα μὲν ἔν ζῆν τὰ ἑκτάμηνα, sed subiungit καὶ
 ὁκτὲρ ἐφεσθαι, quasi hæc fatus esset, in istis plagis
 vitales non duntaxat eduntur, sed enutriuntur
 & adolescunt, ac quantum est mensis octauī,
 senectutis annos, pari ac nostri vel nonime-
 stres vel decimestres facilitate contingunt. Hinc
 legere est apud Plutarchum, πολλὰς ὁκτωμή-
 ναιους γαμνῶσθαι ἀνδρας, & apud Plinium, *trans-*
latitium in Aegypto esse & octavo gigni, iam
quidem & in Italia tales partus esse vitales, con-
tra priscorum opiniones. Si in Italia, quidni
 & in Gallia, omnique cœlo clementi, nec
 algido nec æstuoso? Sic Orientales illæ, *Dio-*
nysiaca aut *Strongylina* mulieres, Asclepiade
 teste, faustos Octimestres enituntur. Nolim
 ego, fidum hunc & luculentum euentum fa-
 bulositate eleuasse: munus aiunt Naxiis da-
 tum, à matertera Bacchi, natī octauo, Lucinā
 Iunone

Iunone scilicet, cui dicata Naxos.

Non defuere plures alij, penitioris Naturæ venerandi Mystæ, qui æuo ab omni, eidem veritati fecerunt sacra. Iniurius quippe fores in veterana dogmata, si priscorum cunctos usque eò mentis lumine cassos censes, ut vno omnes ore, infontibus miscellis Octimestribus mortem irrogarint. Comprobatur quippe Cæcilium vetustissimum Comædiographum, humanarum rerum vel callentissimum, haud infulsè inconsideratèque mensem octauum, à Menandro Comico Poëta præteritum, non prætermisisse, sed genitalem agnouisse. Nec cum temerè à multorum opinionibus descisuisse, Marcus Varro uti credamus facit; nam mense nonnunquam octauo editum esse partum, scriptum reliquit. Ipsissimæque Gellij minùs vetustæ ætate, quibusdam duntaxat, non omnibus Romæ degentibus, abortio visa est, mensis octaui intempestiuitas. Octimestris ergo, iampridem ἀμνηστος, suis tutoribus acerrimis minimè carens, ancipitem Doctis litem intulit: Sic Cenforinus Euriphótem Gnidium ponit in medio, causam Octimestrium contra Epicharmum acriter agentem. Plinius ipse, dissidium conciliaturus, instanter pugnacitèrque stat à partibus Octimestrium; ac ubi litem iudicandam digessit, memoratissimo exemplo, litigantes iudicio absoluit, Cæsoniam proferens, Caij Principis consortem tori, quam Vestilia genitrix, octauo prosperè enixa est. Ita famosum ferunt Vincentium Pinellum, omnigenæ cruditionis

ditionis virum , vnà cum Cornelia sorore gemella , perruptis octauo suis circumdantibus aquis , ad mundi primas oras feliciter appulisse , eorum matre , cum Latona de Epitheto *Διδυμώτις* , meritò contendente. Nouissimo pariter æuo , dum Urbini , ingens suum de Octimestribus conderet Bonauentura volumen , tres octauo natos incolumes vidit. Pari instantiâ notarunt , Cardinalem Sfondrátum , ambósque eius filios Octimestres , sui instabilis æui stadia plenè emensos. Grauiissimi quique , haud sublestæ fidei Scriptores , innumera Octimestria exempla , adamantino scalp pro , posteris animis insculpsére. Ast quid plura retulisse iuvabit ? Fastidiosâ forem prolixitate tædiosus , si iis vndique corrasis , mea intumeret Diatriba. *Experientiâ autem nobis duce & norma vice , omnisue demonstrationis initio* , istæc è millenis pauca , inconcussè stabilient , Octimestres felicem viuere vitam ; hácque vitalitate beatos eodem , susceptam prouinciam impleturi abundè , de mente Dictatoris summi , mox pronuntiabimus audenter , frendeant licèt alij , hunc ubi luculentum Autorem , cùm Maiores suos , tùm coæuos , de fœtuum exclusione , in quadruplicem phalangem directos , commonstrantem adducemus. Priùs autem , quòd Sparta & completior & ornatior sit , ex intimioribus Philosophiæ penetralibus , variantis humani partus , palmaris eruenda causa , aduersaque doctrinæ , quam tuemur , argumenta ventilanda , vt Galenicis demum coronidem imposituri ,

Quæ de temporum humanæ partionis varietate, protulimus, avidum veritatis indagandæ animum non penitus explent. Altiori igitur indagine, genuinam causam ex seminis natura multifaria, sagacius odorantur. En è tritico, quod fœneratò, terræ gremio creditur, aliud citius crescit, aliud seriùs adolescit: Sic humanum genitale sperma aut tēporiùs prouenit, aut tardiùs sobolescit, vnde alios mense septimo, alios octauo, & vsque ad initia decimi, vndecimique gigni, notat Plinius, memoratæ Vestiliæ vsus exemplo, Herditij ac postea Pomponij atque Orfiti, conjugis, quæ septimo primum peperit, subinde vndecimo, rursus septimo, tandem octauo partus auspicatos, qui in viros adoleuere. Ratum itaque nobis sit, *Sole incerto hominem nasci*, ratione πολυειδὴς κρᾶσις, quam à cuiusque ἰδιοσυκράσις, vagam sortitur semen; prodit namque multifariè sic affectum, vt seriùs aut citiùs, in prolem vitalem maturescat, dante ad id, manus adiutrices, proplastice facultatis aut robore, aut debilitate. Hæc autem in homine quàm in brutis magis anceps est, ob anormem & exlegem vitæ modum, aliâ atque aliâ cælaturâ sperma signantem, pro cuius vario charactere varium Natura facit, & tenore dissono abstrusum suum formationis exequitur, opus. Hinc embryonum alij, vegetam plasticen nacti, citò finguntur, citò mouentur, citò pariuntur, dum alij, quibus ignauior est vis formatrix languidiùs figurantur,

rantur, ignaviùs sese volutant, seriùsque erumpunt in lucem. Igitur maturitas, fundamentalis est causa, partus naturalis & vitalis. At partus Octimestris maturus est. Ergo partus Octimestris naturalis & vitalis. Maior, præter allata, ex ipsa definitione partus euincenda; perfecti quippe est & maturi fœtus editio, siue fœtus est in vtero geniti atque iam absoluti, seu maturi, à matrice emissio. Minor ex allatis de seminis natura varia, satis superque patescit, móxque conspectiùs elucescet. Perfectio siquidem in partu & maturitas, vitam necessariò inferunt; immò vnicum complementum, summus Hygeæ Parens asserit autorem vitalitatis quâ beatur Septimestris, ἐπ, inquit, μετέχει πάντων, ὡν ὅρ καὶ τὰ τελειότατα μετέχει, καὶ μάλιστα περιγιόματα: Quocirca rerum inter se pugnantium est conflictio, statuere nobiscum, mensis octavi fœturam perfectam esse atque maturam, sed abortiuam ac minimè vitalem; partui enim, perinde aduersatur abortus, ac mors vitæ, omnisque imperfectio aut immaturitas, æquè necis causæ putandæ, atque iis opposita, vitæ fontes censendi; siquidem partus, vt partus, idcirco tantùm à natura formatur, fouetur, completur, completusque editur, vt iam perfectus, quantum in se est, modò extrinseci nihil prohibeat, oriatur ad vitam, & actu viuat & adolescat, viuere saltem & adolescere queat. Perfecti enim editique fœtus propria actio, est ipsum viuere. At fœtus, octavo completus excluditur, ὁ συμπληρωμένος καὶ ὁ αἰχμῶ

ἔχων εὐτραφίως, αἰσος διατελεικῶς, ἐλομελίᾳ suā
 & πλεονλίᾳ suā dotatus, suāque σύγκρυσιν seu
 τελεογονίᾳ, quam τελειότητι, πάχῳ, παχύτητι
 & τελείωσιν vocitant, plenè nactus: corpore
 enim solido est, pleno, corpulento, absoluto,
 symmetróque, imò τελειωτάτῳ καὶ ισχυροτάτῳ, vt
 dixit Diuinus Senex: Quidni igitur vitalis? Na-
 tura quippe, rei nullins, aut frustra aut casu
 satagit: si itaque hominem septimo & octauo
 perficere valeat, cur illius editionem in lon-
 giores distrahet moras, cúve conceptum suum
 iampridem suis numeris absolutum, non ege-
 ret octauo, sed tenebricoso carcere, insontem
 angustè coërcebit loro reuinctum? quin aequi-
 ūs ille, διὰ τὴν τελείωσιν ἐξέρχεται καὶ μεταβάλλει
 τὴν γέννησιν ὡς ἔχων τὴν ἑαυτοῦ, euentatione quippe
 egens, liberioris auræ captandæ gratiā, fores
 pulsat, λύεται τε δὲ τὸ δασμῷ, colla iugo erumpit,
 abruptaque lora relinquit: cæta inter hæc, suas
 partes tenens, ipsum ceu grauans nunc onus,
 excutere gestit, ambóque luminaria maiora,
 suis influxibus maturatum eum accelerant octa-
 uo, euocántque vitā potientem. Sic, Gratiis
 hisce tribus, votis iisdem concorditer aspiran-
 tibus, *propitius venit sub luminis auras*. Nec
 enim, vsque sollicitè, ei formando & parien-
 do inuigilarét Natura, quem nouit mox peri-
 turum; nec rursus exclusio in octauo aberratio
 est, aut hallucinatio naturæ male moratæ, sed
 laudabiliter statóque momento agentis opus,
 vbi namque à foetu pleniori atque maturo ceu
 grauiori sarcinâ, matrix oneratur, ea sese laxat,
 insurgíve

insurgitve ad expulsionem hospitantis puelli, membranis insuper, à plenissima forturæ maturitate distentis, hiantibus crepantibusque. Fœtus inprimis, qui indies inualescit maturaturque, pelliculas quibus inuoluebatur calcitratu disrumpit, & ad vterinam cervicem sese prouoluit. Hinc cum æfœtu trudente, tum appellentium aquarum alluione, expleta quasi & mauscabunda vulua patescit, fœtûmque octauo explodit, inoffenso prorsus regularis naturæ ductu; vbi enim completum est, cuius gratiâ, ἡ καθελπικὴ δύναμις vsa est, natura hanc inhibet, τῇ σευστικῇ, quæ hætenus quienerat, in locum eius suffectâ. Hinc qui amico prius amplexu, fœtum fouebat vterus, eundem nunc, ceu molestum hospitem eiicit, partim quoniam plenius distendi recusat, partim quia pondus supra vires continentis esse cœpit, partim denique ob morsus & incentiua à calcitratu valido, aquisve, diutinâ morâ acriusculis mordacibusque.

Hoc negotio confecto, peroremus tandem, Octimestri æquè rectè ac Septimestri & Nonimestri, sua esse præfixa constitutâque tempora, nec ineptè inferamus cum excludi, aut ante diem Nonimestris, vel à die Septimestris, sed præstitutâ die limitatâque periodo prodire, præfertim cum sit consummatio, atque nervosior ipso septimestri, utpote altero mense prouectior; nam quandiu moratur in vtero, in eodem tamdiu nervos contrahit, hæcque eius mora, satis superque determinata est, ut ei robur con-

flet : At Oðtimeſtris ducentorum quadraginta dierum , diutius in hæſit natali ſolo , diutiusque nutritioni fuit addiçtus [*quatuor enim ſeptimanis , binis cum diebus , ternas ſeptimeſtris hebdomadam decurias tranſcendit*] Maius igitur conſummatiùſque robur naçtus eſt , validior ergo , ac potiori vitâ illuſtrior. Nam iuxta Logico- rum Maximas , ſi quod minùs videtur eſſe , eſt , id quod magis videtur eſſe , erit. At Septimeſtris minùs videtur eſſe poſſe vitalis , attamen vitaliſ eſt. Ergo Oðtimeſtris vitalis erit , idque ob rationem ſuperam , Dictatoris reſcripto fulciendam , ne ſine lege loquentes erubeſcamus , *παιδιον ἐν τῇσὶ μήρεσιν ἐνιόν , ἐγκρατές μᾶλλον γίγνεται*. Magis ac magis roboratur , quandiu nidulatur & aleſcit in vtero. Quî enim aliter fieret , cùm inibi tepido in foco degat , nutritioni totus incumbens , at à pleniori nutricatione maius ſano robur. Oðtimeſtris igitur vegetior eſt , toroſiôrque ipſo Septimeſtri ; ſolidioribus enim compaçtioribus ac vlteriùs formatis eſt artubus , calorémve naturâ ſuâ intenſiorem & extenſiorem habet. Minoribus tandem , à perfectiøre & magis ordinaria pariendi periodo , nono ſcilicet menſe , paraſangis diſtat. Medius denique Septimeſtrem inter & Nonimeſtrem , aliòſve prouectioris æui , longè conſummatos atque viuaces , conſtituitur. Eorum igitur cùm perfectionis , tum vitæ pleniffimè conſors : Naturâ non tranſeunte citra grande nefas , de extremo ad extremum , abſque medio eorum participe , *ἔστι γὰρ ὡς ἑσχαλον καὶ μίσην ἀμφοτέρων*,
πὲ

τὸ μισθόν. Quæsierim lubens, à quo principio, quæ septimestri innata est vitalitas, cessat octauo, quæ nono redintegretur atque resurgat? Quid pacatæ istius vitæ cursum interrumpit, ac tantam necis causam irreuocabilem interponit? An ex improviso inauspicatòque, ipsis incautis suique nimium securis, vitæ filum rescinditura, inuidiosè ingruit Atropos? Hoc incongruo minimè dato, non est, quoddà clumbem, effectumque, ab incondito irritòque, egressum quæritando, septimi motu, eum obtrudant. Tria enim, quæ minimè fatemur, supponunt. Primò, fœtum omnem septimo inordinatiùs sese exagitare. Secundò, moueri tunc ad exitum sibi parandum. Tertiò denique, ab ea commotione debilitari in tantum, vt semine & morti citimus, eam reapse incurrat.

Rectè Sennertus, grauidarum testimonium inclamat, motus illius insignis, certior vt fiat, nullà enim potiori disquisitione, id assequi datur. Ipsæ igitur vtero gerentes, rerum quæ in imis suis geruntur præcordiis, acrem oculorum obtutum effugientium, fidissimæ nobis sint internuntia. Percunctentur omnes ad vnā, fideiubebit nulla, fœtum suum incompotitiùs motitari septimo, quàm reliquā, à media gestatione, temporis intercapedine. Sed si is motus tantus est, fœtum vt enecet, quū obtrinit, vt matres ipsas lateat, nolitque stantes ex aduerso, id secreti norint vnici? Annon fictitiis, nobis illudere satagunt? Nam semel ac fœtus compagem suam completam tertio
vel

vel quarto mente valentiorē adeptus est, moueri & calcitrare gestit, moueturque & calcitrat reapse, iuxta robur quod nanciscitur. Hinc prout placidè aut irrequietè, suis in claustris degit, sic hanc & illac sese prouoluit atque volutat, membra quoquoversum impellens, corpus contorquens, sese inflectens, gyrans atque regyrans, vndoso suo substerniculo innatans, umbilicalem ad funem alligatus, quo ceu loro aut habenis ductus, in equorum quasi domitūs palæstrā expatiatur lætus, suique aliàs crebrioris, aliàs insolentioris, aliàs remissioris, aliàs vehementioris signa dat calcitrosus. Aliquem itaque motum, septimo fieri, vtrò cedimus, sed cum septimo addictum & peculiare conamen esse ad egressum, constanter inficiamur. Natura enim nihil facit *ἀλόγως*, nihil sibi in perniciem cudit, nec sibi ipsi malum cacat, sed quicquid molitur finis gratiā bonique molitur: Cur igitur, qui naturā vel Octimestris vel Nonimestris est, definitum sibi tempus præuertens, sponte suā & Marte suo, exitum septimo tentat, in idque valentissimè colluctatur? Si enim conatu excidit, *magnis excidit ausis*, & frustraneam egressionem aggressus est, eiúsque reatrix natura, quæ consilio quasi ducitur, laborauit incassum. Si prodit in lucem, moriturus illicò prodit, vtpote infra maturitatem ortus. Eius itaque ab vtero secessio, à naturæ tramite deuiaret, ac consequenter Natura præter naturam ageret, quod contradictum euidens inuoluit. Dixerim aliter, si septimo mouetur,

aut

aut maturus, aut immaturus monetur; si maturus, indubiè exit septimestris & vitalis, frustra enim, immò noxiè, maturatum eum, exitu interdiceret Natura, auspiciatum eius, nonum in mensem protollens aduentum: Si immaturus, cur denuò instem, natura mouet, cùrve eum eiicere nititur, quem semel admissum sinu debet & vltiore & interiore fouere. Iniqua foret nouerca, si cum fœtibus suis, præmaturè & præposterè sic ageret. Annon insuper rari sunt septimestres: Septimo ergo rarenter exitum tentant, abhorret enim moderatrix Natura, sine frustrari toties. Si rari exitum tentant, pauci ergo peribunt Octimestres, cùm pauci hanc secum, necis suæ causam circumferant, effœtas scilicet vires atque profundas, in conamine illo casto quem fingunt. Conficiamus ergo, septimi motum, minimè deflectere ab alterius temporis intermediij motu, totius enim gestationis decursu, vti retuli, suis motibus infans jactatur in horas, modò pleniùs atque tumidiùs, modò compressiùs atque summissiùs. At tantùm abest, vt ab eo enervietur motu, qui conuersio levis est, & libratio quasi fœtus ab vmbilico pendentis, adedò placida, vt longè quàm ipsi puello iam valenti & viuido ac plenè formato, tædium vllum creet, quin eundem viribus auget & firmat, nam operatio potentia perfectiua est. Igitur vbi primum, à natura concessa est motiua facultas, singulis non modò mensibus, sed & septimanis & diebus ac horis, monetur fœtus, hocque

motu suo , quam nactus est perficit potentiam , eandemque iteratis actibus roborat , habitum inde vegetiorem ut contrahat , ad ulteriorem nervosiorémque motum , *ἢ γὰρ κίνησις κραδύνει* , ut penitissimus crypticæ Naturæ scrutator Galenus , Dictatorio placito sancivit. Sed prærogatiuâ , non nisi de iuris redundantia , cedendâ , demus fœtum omnem à motu septimi aliqualem incurrere calamitatem , & tempore egere ut recreetur , an idcirco hæc noxa , usque infesta & damnosa erit , ut omnes ex æquo perimat ? nonne quis viuacior cæteris , impendentia damna securus declinans , vires citius resumens , Octauo mense , viuidiore ac spontaneo nisu , viam sibi sternet , ut scenicum hoc mundi theatrum viuax conscendat ? Insuper his , motus etsi quietem exposcat , an illicò quadraginta dies exiguntur ad vires refocillandas ? Vnde nam amabo , hunc præcisè numerum expiscati sunt ? An ex abyssis mysticæ Naturæ reuerfi , tantas in moras , nullo libamine decurtandas , cum ea pacti sunt ? An piaculum erit fœtui , nonnisi morte piandum , hos quadraginta dies morbosos non explere , sed morbo hocce suo , ceu perperacuto , ceu peracuto , ceu acuto simpliciter , citò defungi , ac vel incunte , vel medio , vel exeunte octauo , vitalitate ac robore plenum sese pellerè in lucem ? Nonne ex ipso met Hippocrate , de hoc numero dierum morbidorum ambigitur , *οἱ μὲν γὰρ μᾶλλον* , *οἱ δὲ ὀλίγον περὶ τούτου*. Rursus si quadragenario integro egent , vires ut collapsas restarent , vel eos penitus feriat

feriari necesse, ac tandiu quiescere, quandiu hæc,

Dulcia sollicita gestabunt pignora matres,
Quod experientiæ dissonum est; aut si moueantur denud, cum in dies singulos, validioribus ciantur motibus, consequens erit, ut vel hisce identidem ingruentibus damnis obruti succumbant, vel novos in æternum quadraginta dies, ad sui redintegrationem exigant. His auctarium adiiciam, omnes septimestres debere perimi, quia ipsis attritis ac seminecibus nouus accessit labor, partus nempe, cui ferendo impares occumbent. Priori enim suâ calamitate ægerrimè depulsâ, grauiori hac insurgente, nullo negotio delecentur.

Aliud est & tantæ molis superpondium, fœminis mares citiùs formari, citiùs moueri, citiùs edi: Κινείται πρῶτον τὸ ἄρσεν καὶ πρῶτον πηγνύται, [Hipp. de Nat. pueri.] vel cum Philosopho, [De Generat. Anim. lib. 4. cap. 6. ubi bina hac loca quæ coniunxi, legere est.] κινήσις τὰ ἐστὶ κινύμενα τὰ ἄρρενα τῶν θηλέων, ἐν μὲν γὰρ πλείονι χρόνῳ διακρίνεται τὸ θῆλυ τὸ ἄρρενος. At fœmellæ complures, initio noni, vitales pariuntur, multi igitur mares, exeunte octauo, vel appetente nono orientes, vitâ potentiuntur. Nam cum ex loco adducto, Epid. 6. sect. 3. partic. 8. motus fœminæ, tardior sit motu maris, dies circiter sex, si tempus partûs, sit triplum temporis motus, & fœmina nascatur vel ineunte vel medio nono, vitæ longævæ, quidni & mas in octavo nascentur longæuus?

Aduerte tandem, summum Coum, omnes ab illo septimi motu, malè affici, minimè censuisse: nam quicumque ægrotat inquit, [lib. Περὶ γονῆς] κατὰ πλὴν ἰσχύον ἐαυτῷ νοσῆται. Ergo qui neutiquam ægrotarunt septimo, viuent Oëtimestres. Viuet & qui ægrotauit, ἢ μὴ σφόδρα νοσήσῃ [ex lib. Περὶ ἐπιαιμάνου.] Sed pro virium modulo, sicque à morbo suo citò liber, integrâ virtute sibi radicali, viuacissimus prodibit oëtauo.

Labefactato, dirutòque hoc singulari fundamento, reliqua ex se iam ruinosa, collabi necesse est. Pythagoricorum quippe & Astro-
nomorum rationes, ab ipsismet iniquioribus mortis Oëtimestrium Iudicibus explosæ sunt, nec est quod in iis sugillandis fusi simus.

Res sanè permira, fœtum numeris vsque addictum esse, vt fatis concedat nascens die Oëtani ultimâ, ita vt inuerso Senecâ, *non primus dies, sed. ultimus det extremum, noni autem primâ victurus egrediatur*: Perbellè enim in-
quiunt, at non probant, mensem incipientem, aut etiam περιελλόμενον, necdum confectum sed affectum, censerì completum. At dicant fide optimâ, quid tantula morula, beneficij fœtui contulerit? Egregia sanè diecula, albo *notanda lapillo*, quæ sic inauspicato vitam fortunatè impertiat.

Si numerorum rationem subducere lubescit, imparem vnicè numerum, naturæ in deliciis haberi, intrepidâ fronte reluctabimur: nam *ludente naturâ par impar, ἀρτιαζέσεως τῆς φύσεως*,
hocque

hòcque ἀπλῆς μὲν gaudente , omni die , æquè
pari atque impari, felices obtingunt & crises &
partus. Id fides rerum euentus iis luculenter
commonstrat , qui nec fabulis nec dictis alio-
rum circumveniuntur. Quem Pythagoreorum
fugit , *sexto qui tyrannus est , multos indicans
vel ad salutem, vel ad mortem* , haud insolentes
esse crises ? Quem rursus latet, decimestres par-
tus longè suetos esse ? Pro superpondio enim,
si numerorum vim vllam expendamus , nume-
rus decem , præcellenti nobilitate , cæteris ex-
cellit , hunc quoniam numerando semel ade-
ptis , non datur plus vltrà , nisi ad monadem
denuò confugere adigamur , quæ *μὴν* duplica-
ta triplicatæve per dena vagatur in immensum.
At ne vel latum vnguem recedamus à numero
octo, nonne is quatenus est quantitas discreta,
prorsus oriatur , vi penitus orbus , aut siquâ
energiam pollet , eâ pollet , ob perfectionem
quam intra se includit, vtpote constans vnitæte,
& numero septem , proindeque Pythagoreis
ad *Iustitiam* dicitur : Primus enim omnium sol-
uitur in numeros pariter pares, hoc est, in bina
quaternæ , singulique quaterniones rursus bi-
partitò scinduntur in bis bina. Binis igitur qua-
dratis cubis , inconcussâ stabilitate stantibus,
solidè constat , quatuorque simplicissimis nu-
meris combinatur , quater scilicet duobus,
qui duplum quaternarium conficientes, nume-
rum pariunt octo , Naturæ & gratum & tri-
tum. An non tandem, Octoni menses Solares,
numerum septem , quater ac trigiesies , binis

cum diebus, transcendunt, tertiâque anni partem secant æqualiter, ac binos anni terminos explent, quæ dichotomia eburneo stylo notanda.

Explodendi exhibilandique & infulsi Astronomi, cum sui Saturni imperio, Octimestribus inprimis ominoso. Demus gratuiti, regnante Saturno, nullum prorsus maleuolum eius eluctari aspectum, igitur ubi alius Erro, & conceptui & natiuitati dominabitur, nulli in vim sideris ἰοβόλῃς, Octimestres licet, hæc fatalia damna subibunt: At alij sex Errones, alternis ordinibus regunt, beântque sub se natos; Octimestres igitur, qui sub iis nascentur, vitæ delicias carpent securi. Verum, cum ij sint sex, omnes *παιδογόνοι*, præ vno Saturno *παιδοκτόνῳ*, necessariò deducitur, sexies plures Octimestres, fato functis superstites esse, quàm qui fato concedant. Immo & plures, quàm sexies ruti supererunt, nam reliqui Planetæ cum sint magis benefici, magisque prolifici ipso Saturno, inde obtingit, vt plurimi, & concipiantur, & pariantur Octimestres sub ipsis singulis quàm sub Saturno.

Sed rursus, nōne absurdum asserunt, dominium Saturni in omnes conceptus, ac in omnes natos octauo? Suppono Hippia concipi hodiernâ hac aurorâ sub Saturno, Calliam pariter concipi cras sub dominio eodem, an qui deinceps centeni, & milleni in infinitum, mensibus sequentibus concipientur, fatali subiacébunt Saturno? At quandonam alij Planetæ,
imperium

imperium tenebunt? Quasi verò præ Lumina-
ribus maioribus, mereretur ille scelestus, sum-
mo imperio potiri, cæterique Errones, omnes
ad vnum, de cælo quasi deducti, nihil aliud
quàm Saturni solium suspiciant ac veluti Nu-
men adorent! An qui formantur puncto tem-
poris eodem, excluduntur idèd, eodem in in-
teruallo? an non vbi sexcenti in orbe, tempo-
ris hoc minuto pariuntur, ex ipsis alij Septime-
stres, alij Octimestres, alij nonimestres, alij
decimestres, alij vndecimestres sunt? quî sit,
vt nefandus ille Planeta, nec septimestres, nec
alios enecet, sed vnicos Octimestres, qui pa-
ri instanti orti sunt cum aliis quos spirare sinit?
Si suis maleficis qualitatibus, fœtibus inimi-
catur, omnes ex æquo, non verò Octimestres
cum delectu de medio sublaturus est. Rebus
deinde hostilissimi Syderis, consultius foret,
tenelluli ac minutuli embryonis primordiis
obesse, quàm prouectiorem vegetiorémve,
nascentémque, orbare concessæ lucis vsurâ.
Sed æquale crimen est, impedire hominem
nasci, ac natum interficere. Rem expeditiùs
exequar, dicendo, qualitates eas incompertas
& deleterias, è sapientiorum Scholis, sibilo
cachinnóque exceptas, iampridem exulasse.
Quin beneficæ eius, Poëticiis encomiis, altè
intonuère aureo sub sæculo. Superfunt igitur
frigiditas & siccitas exulandæ, quibus vitæ ad-
uersis, nascentes ac vixdum natos Octimestres
pessundat. Sed nonne permulti, validis vitæ
principiis dotati, hoc est, valentissimis calore
natiuo

natio, & humore radicali perfusi, repugnantes istas qualitates infringent atque domabunt? Etsi deinde laudabilia usque vitæ principia minimè nacti sint, nonne qui ex ipsis, ætate vidente & vrente Sirio nascentur, calore hoc cœlitus adiuti, inimicas illas qualitates ita retundent, ut Octimestris æstius viuacior sit Nonimestri brumali? Denique, an non nostris in Climatis temperatioribus, calidior humentiórque aëris constitutio, Octimestribus fauens, eos tutabitur à noxiosis peremptorij Syderis influentiis? Nati itaque sub Saturno, non omnes, primum simul cum extremo, diem suum cludent, sed debilissimi quique, rigentissimæque hyeme sati. Verùm generalius liquet, quàm absonum sit, cuilibet Octimestri, nondum formato, sed bullanti adhuc, vixdumque salienti, veneficum præesse Saturnum, octauo rursus mense, vbi fœtus idem, carceris sui fores perrumpens, prodibit in lucem, deleterio influxu regnaturum. Vita deinde medio stat in concursu plurium causarum, nec vni infido & truci Saturno creditur.

Sic vident contrariæ sententiæ Fautores, nec sui esse dispensare dominia cœlestium globorum in hæc infima, nec cœlestes Orbes, litem inter se mouere, aut de moderandis regni habenis, aut de iis, vel Saturno committendis, vel eidem subducendis, alternis quippe luminibus, inoffenso nec vsquam interrupto cursu, hanc fermentant, fœcundantque terrarum molem.

Sic insuper, altissimâ nocte eorum lucidiora

diora dogmata involuisse videor: Meâ nunc interest, stando promissis liberare fidem, adducereque Hippocratem, lucidissimam meâ [libro περί τριτοῦ, vbi quadruplicem Veterum, tantum definire terminos partus in vtero, mentem detegit] de Octimestrium beatitudine sententiâ, facem præferentem. Aliis inquit, ἐς τὴν πεντήκοντον ἡμέραν, siue dies 35.

ἐς κίνησιν δ', siue dies 70.

ἐς τελευτήν τε σ', seu dies 210.

Hoc est, tres hebdomadam decades, seu septem menses tricenarij: Solares enim, aliquot minutis dies triginta superant, quod notes velim, nequis argutulus ἀκριβολογῶν dictis te subducatur.

Aliis, ἐς μορφήν μ', seu 45. dies.

ἐς κίνησιν δ', seu 76.

ἐς ἔξοδον σ', seu dies 210.

Aliis, ἐς ἰσχύον ν', seu dies 50.

ἐς πρῶτον ἀλμα ρ', seu 100.

ἐς τελευτήν τε τ', seu 300. hoc est, menses 10. exacti.

Aliis demum, ἐς διάκρισιν μ', seu 40. dies.

ἐς μετέβασιν σ', seu dies 80.

ἐς ἐκπύωσιν σμ', siue dies 240.

Qui terminus, Octomestrium est, octies enim triginta dies, numerum explent ducentorum quadraginta dierum vitalium, vt hæc Veterum sententia luculentissimam fidem facit.

Consilij totius rationem exponam. Subolebat mihi ab ipso limine, enorme hoc nascenti tempus, cuius causas, Spartam ornaturus,
D sedulus

sedulus, quantum in me fuit, peruestigavi. Nunc meminisse iuvabit, supremum legum nostrarum sancitorem, exigere Medicum αἰεὶ λόγος αἰνους, sanctionis ipse tantæ memorabile exemplar, orationis & varietate & venustate locupletem se præbens, variis hîc terminis, significatu pollentibus eodem; delectatus est. Res tota, in optimam hanc segetem demetendam, mox immissâ falce, magis perspicuè patefcet. En à fronte obvium est, Hippocratem quater loquuturum de figuratone seu conformatione, & delineatione ac discrimine partium embryonis, quatuor significantissima verba, quæ eodem coincidunt, usurpasse. Τύποις quippe, quam aliàs τὴν πρώτῳ πῆξιν nuncupat, in eandem nominis significantiam cum μορφῇ, ἰδίῃ & διαρίσει reuolpitur. Sic quater expressurus motum seu saltum, vel traiectionem, & sedis mutationem ac migrationem quasi fœtus, ab vna vteri parte in aliam, bis usurpavit πρὸ κί-
σης, cui eiusdem vis, bina alia subiunxit, πρώτον ἄλμα & μετάβασιν. Tandem, exitum infantis ab utero, seu partum naturalem, quater quoque expressurus, bis reuocauit in vsum, πρὸ τοῦ ἐμβρύου πλειότα, perfectionem fœtus, quia partum, eam necesse est consequi, vt plenius mox innotescet: Huic, πρὸ ἐξόδου combinavit vniuocè, exitus enim infantis ab utero, naturæ symmetræ periodicis sanctionibus gaudet, proportionantis tripld tempus partus ad tempus motus. His binis τῇ τελείῳτι καὶ τῇ ἐξό-
δις tertiam synonymam subdidit, ἐκπῶσιν sci-
licet,

licet, oscitantium interpretum scandalum, & offendiculum. Missis multorum quisquiliis, περί τούτης λογομαχίας, hanc ἐκπύων ritè & concinnè ab Hippocrate, sagacissimo suæ acuminè mentis, rei naturam penitissimè contuente, exaratam profitemur. Nam haud secùs ac fructus ab arbore pendens, maturitate gravis, plenus, & distentus, extremo suo retinaculo seu pediculo, à ramo cuius nunc pars fuit, prolapsurus humi, sese sciungit ac liberat; sic fœtus, maturitatem octavo, seu terminum assecutus, ab utero, cui ceu caudici adhærens, amicâ copulâ vinciebatur, laxatur vndiquè, spontèque labitur, ἐκπίπτει nempe, hoc est, decidit, vel cadit, naturæ minimè violatæ nutu, hunc naturalem partum, ipsi nunc ἀλλοτρίον καὶ μοχθηρὸν ἄχθος, promouentis & quadantenus eiicientis. Ἐκπύωνε itaque, hîc sonet idem ac πλειόνης καὶ ἔξοδος, quæ naturali tantum & maturo viuidoque fœtui apprimè quadrant. Hanc veritatem illustro Galeni contextu lib. 15. de usu partium, vbi loquens de partu naturali, τὴν ἐκπύων usurpat? Vnde luce meridianâ clarius est, eam vocem apud Græcos optimè audiuisse ad significandum partum nîcè naturalem.

Quid igitur malè erudito susurro, nobis obgannunt, Hippocratem *ibi loci*, Octimestribus inimicari, eum è contra, nullibi amicior, vitales eos expressius sanciat, his namque quatuor in recensendis modò prolatis sententiis, totus est naturali, tritæque naturæ pe-

triodo addictus, totusque in iis quæ obtingunt naturæ bene moratæ ductu. *Εκ τῆς αὐτῆς* ergo, ceu *abortus* minimè audiat, vt perperam vertunt plerique. Nec sum nobis inargutè, Sabinum, Ialemo frigidiorè, textum hunc læuam in partem [vt supinum suum errorem, à tanti Iudicis ore & criminatione tutetur] detorquentem obtrudant. Nullibi siquidè Sabini verba, in Hippocraticis aut excusis aut Manuscriptis Codicibus, legere est. Sed ea qualia leguntur, aureo licèt stylo exarata, oscitanter & securè à Sabino eiùsque sequacibus plurimis, lecta sunt. Vnde mirari non subit, tot viros etiam graues, speciè recti delusos, à Sabino ceu ab igne fatuo, in auia quæque deductos, in erroris barathrum, sese, nullâ machinâ reuellendos, præcipientes dedisse, combinando seiungenda, & seiungendo combinanda, nam quod subtexuit Hippocrates, *ἐκ τῆς, καὶ τῆς, ἢ τῆς*, indoctè copulant cum præcedenti oratione extrema, quasi legeretur, *ὁ κτάννορος γένος ἐκ τῆς καὶ τῆς*. Verba enim hæc, *ἐκ τῆς, καὶ τῆς*, integrum ex se sensum complent; quòd si aliis coniungenda essent, sequentibus, non verò præcedentibus copulanda forent. Iis autem, optimo instituto docere satagit Hippocrates, vnamquamque à se prolatarum opinionum, *esse & non esse*, seu *interdum veram esse, interdum verò falsam*, quòd enormia sint nostra nascendi tempora. Circumcisiori verborum breuitate, Dialecticè dixerim, has quatuor propositiones non esse *necessarias sed contingentes*, aliàsque
ita

ita esse, aliàs non ita; Quòd autem hac ansâ capiendus veniat, enuncimus sequelâ, quâ mōnemur, hos naturæ terminos multifarios esse, nec æternæ fidei censendos, aliàsque pro multimodis sui partibus, *figuratione*, *motu* & *partu*, longiùs protolli, aliàs concisiùs decurtari. Quoquo autem modo eueniat, inquit, nec multùm hæc Natura periodos prætergreditur, nec multùm infra subsistit, Sed tota hisce carceribus limitata, & coërcita metis, stadia sua tanquam in decursorio emetitur, γίνεται δὲ ἐν τέτοιαι καὶ πλείω καὶ ἐλάσσῃ, καὶ ὅλον καὶ ἡμίμερος, ὃ πολλὸν δὲ πλείω ἢ ἐλάσσῃ. Sic alibi verba faciens περὶ τῆς αἰώνιας αἰήσεως, [lib. περὶ φύσ. παιδίου] quæ aut quadraginta duobus, aut triginta diebus sit, ὡς γὰρ, subdit, ἐπὶ πολὺ ξυμβαίνει, ἐν ταύτῃ τῷ χρόνῳ, ἢ ὀλίγῳ μείονι, ἢ ὀλίγῳ πλεόνι ταῦτα διαθροῦσθαι. Ibidemque loquens de *motu* & *formatione*, eundem inculcat multivagum naturæ cursum, ὡς δὲ γὰρ, habet, ἐπιπλεῖστον ξυμβαίνει.

Nec quæso, operosâ manu, Hippocratem versato, vt ipsum ab hac quam nobis edicit Priscorum sententia, dissentientem exprobres, si namque *Octimestribus fuit infensus*, id circumspèctè prouidèque egit, *scena vt inferniret*. Genium enim nouerat Græcarum mulierum, quas de Octimestrium infelicitate testatur, quæ ὅτ' ἔργῳ ἢ λόγῳ πίθονται, sed à se notata venditant & obstinatè tuentur. Hinc quoniam penitissimis earum medullis, præconcepta hæc de Octimestrium calamitate vsque ed infederat opinio, vt superstitem omnem Octimestrem,

matre insciâ conceptum deicerent, noluit vir prudens & cautus, aduersis cùm maris fluxu tum vento, explicare vela, séque æstuoso ac procelloso permittere mari, sese, vt tantæ notæ, tantæque fortitudinis virum decuisset, suâ fretum μεγαλοφυχία, protritæ illi quæ vagabatur opinioni, ex aduerso constituendo. Sed cùm in Græcia plurimos cerneret Libitinæ immolari, dùm in Ægypto triviales obambulant, indagat sedulus causam infortuniij eorum, qui tam præcoci fato abripiuntur, & binas esse autumat κακοπαθείας à nobis eleuatas, quas identidem perpeti haud sustinent tenelluli.

Aliud etiam momentum Dictatorem impulit, vt in Octimestres inueheretur, numerum quippe septem impensè laudaturus, euincere aggreditur, ἀνδρώπῳ αἰῶνα ἐπιήμῃον εἶναι, καὶ ἵκαται ἐν αὐτῷ, ἐν ἐπὶ δὲ διοικῆσθαι, grave idcirco pondus, dictis accessisse secum reputat, si octonarium extenuet, natósque octauo repudiet. Verùm vbi rem ex professo perpendit? *Mulieres in gestatione putanda uniuersim falli*, ad rauim vsque proclamat: Cur itaque eas tantùm deceptas, criminosè & suspiciosè dicunt, quæ vitales octauo se peperisse iureiurant, illas verò minimè delusas, quæ hoc ipso mense Parcis yovendos exclusisse rentur. Dicam ego, vicem rependens, totâ eas errare viâ, quæ nono putant parturiisse vitales, quos octauo peperere. Equidem sancit *medendi Conditor artis*, nefas esse ἀπιστῆν γυναιξὶ περὶ τῶν τέκνων, sed edicti sui veritatem labefactat, fidem derogans mulieribus

lieribus asserentibus nasci vndecimestres.
Quidni igitur fidem non detrahemus iisdem
putantibus fœtus emori octauo, præsertim
cùm eæ sint, confessore Hippocrate, ἀπειροι
τέτων τῶν λόγων καὶ τῶν πρηγμάτων. Ne itaque cas-
dem in ansas, cum Bonaventura veniamus,
néve ipsis φιλιπποκρατείαις fucum faciamus,
largiamur quod res est, Dictatorem nempe
Oëtimestribus ominosum fuisse. En eius Manes,
[quanquam infra vota nostra] februabunt
Galenici Genij, legere quippe est, lib. 14. de
vfu part. πῶς πτῶσις ἐπὶ γίνεσθαι τὸ γάλα, ὅταν μάλιστα
τέλειον ᾖ τὸ κύημα ἐστίν, ac rursus [Ibid. paulò
infra] τελειωθέντων τῶν ἐμβρύων καὶ πλεὺς τῶ γεννη-
ῶσαν ἀποβαλόντων, συνεξαίρεσθαι τὰς πτῶσις ταῖς
ὕστεραις. Rursus tandem [comment. 5. in Aph.
39.] μασθῶν ἀναίμων τε καὶ λευκῶν ὄντων, πὺν οἰκίον
χυμὸν πλείον ποιῶσι ὅσαι ἐπὶ ῥῆν τροφὴ πλείων ἐν
αὐτοῖς, πλείων δὲ ἐπὶ ῥῆν καὶ πὺν ὁ γάλακτος μῦνα τῆς
κυσίτης. Achilleum hinc argumentum formato,
Lac gignitur in mammis, vbi fœtus perfectus
est, pariendique tempus instat: Atqui lac gigni-
tur octauo mense: Mense igitur octauo fœtus
perfectus est, pariendique tempus instat. Præ-
missarum utraque ex reconditissimo fœcundissi-
moque Galenico pectore deprompta est: Igi-
tur & conclusio ex iis elicienda. Iam si fœtus
perfectus est octauo, instatque eius partus ho-
ra, maturum illum ac vitalem prodire & posse
& debere, nullus sanæ mentis, nisi contume-
liosus & pervicax, inficias iturus est. [Arist. hist.
Anim. 8. cap. 5.] αἷμα γὰρ τὰν παιδία γένημα, καὶ τὸ
γάλα γένισμον. Quod

Quodd si instes, Oëtimestres vitales equidem esse, sed minùs vivaces Nonimestribus ipsis, tuam in sententiam supero Philosophi ductu, vltro pedibus ire delectat, [*loco nempe citato ex 4. de Gen. Anim. cap. 4.*] ἐκτάμνα ζῆ , ἥλιον δὲ. Euicimus quippe, longè alacriùs ætatum stadia eos decurrere, qui in vterinis suis præsepibus, diuturniori morâ, nutritui & robori intenti, stabulati sunt.

Huic ex ipsissimo puteo erutæ veritati, symphoniaci Polybus atque Diocles, rerum haud insipidi delibatores, [*ex Plut. 5. de plac. Phil. cap. 18.*] τὴν ὀγδοὺν μῆνα ἴσται γόνιμον, ἀπαιώτερον δὲ πῶς. Sic Philosophus ipse, acerrimus Oëtimestrium vindex, prolatorum in huius Diatribæ vestibulo ritè memor, ποιεῖσιν, αἰτ, αἰ γυναικες, μάλιστα τὸν μῆνα τὴν ὀγδοὺν; καὶ ἐὰν διαφθεῖ-
ρωσιν ὀγδοὺ τῷ μηνί, τὰ ἐκτάμνα ἢ ζῆ. Eius circumcisis interpretes Plinius, *Gravidis*, inquit, *oëtavo mense maximus labor, lethalésque in iis abortus.* Quibus meherclè, ambo hi primæ mæ aciei Primipili, necem Oëtimestribus inferti, lubentes volunt. At sospites eos prius tutabantur. An vnâ ij fronte tutelarij, alterâ sicarij? Apagē eos, si sic iniquè suas mouentes tragædias, hosce post siparia trucidant, quos propalàm clarè plauserant. Hinc memet vt expediam, nec in eo quod expeditum est, ceu in ipso scirpo, nodum quæram, totam ego componam litem, ac secum ad speciem dissidentes, in gratiam reducam, duplices [*colophonem additurus*] Oëtimestreis ob oculos ponendo,

[ex Hipp. lib. de nat. puer.] *Essentiales* alios seu *Spontaneos* & *per se*, qui nempe, semine sponte sua, *ὡς μὴ π αὐτῶ βίαιον πάλιν αὖτε*, octavo maturelcente sati sunt : *Accidentales* alios seu *Symptomaticos*, & *ex euentu* seu à *casu*, qui nimirum ob *βίαιον πάλιν αὖτε*, interturbatæ naturæ foeturæ sunt, ac *ὡς εἴτι τῷ ὀκταμῆντι*, impullore malè prospero, præmaturè depulsi. Fide igitur indubitata, partus omnis, à sanis vegetisque parentibus prognatus, sese octavo, vnius naturæ, instigatione pellens in lucem, saluus & incolumis reputetur, quantum scilicet spectat ad vim Vitalitatis à partione sobolescentem, nam aliunde quid verat, ipsum concedere fatis, pari infortunio ac septimestres, nonimèstres & ipsi ? De his *αὐτοματίς*, priora feliciâque & fausta Scriptorum placita leguntur. At vbi contrariâ vice, criminosoque euentu ac nefariâ *ὡς φάντι*, regularis statâque partio disturbatur, quid mirum, interruptæ ac violatæ naturæ foetum, octavo intercidere ? intercidit & vniuersè, nec vspiam sospitatur vi ejectus. De his vnicè, non de aliis, posteriora, damnosâque & peremptoria, in misellos Octimestres à morte redimendos decreta, quotquot ea sint primitus expedita, promulgantur. Qui itaque, vt resumam simul & perorem, ex se & intrinsecè nono nasciturus est, aliunde & extrinsecè, octavo si paritur, inauspicatè & ominosè paritur. At quilibet octavo nascens, à principio sibi intrinsecò, omnibus externis, (malis aui-
bus persæpe aduolantibus) longè semotis,

faustissimo ac auspiciatissimo partu, sanitate sarta tectâque excluditur. Hanc fugiferam segetem ex Hippocraticis arvis lætus demessui, ἑσθην, [inquit *Epid. 6. sect. 8. aphor. 6. & Epid. 2. sect. 3.*] ὅστις εἰσω τῷ πεταγμένῳ ἄρῳ, ἐκάσθη τὰ πετμένα σπέρματα γίνεται. Summis igitur cautionibus sibi prospiciant gravidæ, nociuis ut cuncti procul ablegatis, puerulus maturitatis suæ captando momento [quod tragicam hanc in vitæ scenam sese producat] totus incumbat. Maximæ quippe molis est, animal cæteris imperaturum, friuola origine factum, propitio enixu in lucem promi. Is enim, ludiciæ fortunæ & alumnus & partus, ventris alveo conclusus, sexcentis in horas casibus veluti fluctibus obruitur. Usque deploratissima sunt eius primordia, ut inconstans unius ludibundæ materculæ arbitrium ad omnia præceps, momentanea ruina, ea subvertat.

Excussa nunc omni ὑπόλει, compertum fiat animis temperatis, *haud insolentes esse viæ longæ & tenacissimos O& mestres.* Experimentis graui suffragabuntur rationum momenta, quæ non modò hoc ipsum dogma inconcussum stabiliant, sed ei in speciem aduersa funditus delean. Autoritatibus tandem si lis dirimenda, aut jurejurando controversia distrahenda, an non juridicè Hippocratis Majores & Coæthaneos, Galenum ipsum, Aristotelem, Polybum, Dioclem, Plutarchum, Euriphontem, Cæcilium, Varroñem, Plinium, Augentinum, Bonaventuram, Zacchiam, Schenckium, Acaranzam

zam, cæterósque, optimis auspiciis, veridicos
fatorum augures, fidósque nobis Octimestrium
vitæ & sponsores & fidejussores, toti tumultu-
uariæ in Octimestres furentum turbæ forti-
ter opposuerimus? Huic igitur Experientiæ,
Rationis, & Autoritatis, sacratissimo veluti Tri-
podi, fatidicæ superpositæ Phæbades, genuina
φῶτα βίη, verissimè vaticinabuntur,

OMNEM SPONTE NASCITVRVM
OCTIMESTREM FORE VITALEM.

1463.11







49

